



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Caput I.

urn:nbn:de:hbz:466:1-40032

TRACTATUS DE IVBILÆO, CONCESSO A SANCTISSIMO CLEMENTE DECIMO.

IN noveni Capita dividitur h̄ic Tractatus : Primum de publicatione Jubilæi. Secundum de Confessore eligendo. Tertium de Confessione etiam reservatorum. Quartum de Communione. Quintum de visitatione Ecclesiæ. Sextum de iunio. Septimum de Eleemosyna. Octavum de commutatione Votorum. Nonum varia.

Quæstio incidens de Indulgencij non transferendis, & de Indulgencij apocryphis.

CAPUT I.

De publicationi Jubilæi.

1. Ordinarius habens translumpsum, vel exemplum impressum Bullæ Jubilæi tenetur sub mortali, eam publicare ; quia fecus deficeret in re gravi : qui veniant h̄ic nomine Ordinarij dicam c. 2. n. 5.

2. Quamvis autem Pontifex mandet, ut Ordinarius statim sine ulla mora publicet ; tamen non excluditur facultas aliquantulum differendi, quando extat causa rationabilis : ita vides in alienibus diœcesisibus publicari Jubilæum, primò in Civitate præcipua,

& deinde in Oppidis, ex aliqua causa prudenter visa ab Ordinarijs.

3. Hinc multis Theologis consultis, Pellizzarius *de monialibus cap. 9. num. 21.* ait, Ordinarium postea pro monialibus differre publicationem per quindecim dies, post quam publicabit in eadem Civitate : idque ob illam causam, quod Sacerdos pro monialibus audiendis occupantur antea in audiendis sacerularibus confluentibus ad confessiones.

4. Qui licet possit, non interest processioni publicationis, nec peccat, nec officit acquisitioni Jubilæi.

5. Non nemo putat, quemlibet posse lucrari Jubilæum ex vi publicationis

Publicatio pro presentibus,
vel absentibus.

nisi facte Romæ, vel alibi; sed certè non est audiendus; quia Pontifex singularis Ordinarijs publicationem delegat.

6. Ubi nulla sit publicatio, ut in locis infidelium, sufficit qualibet notitia Jubilæi; assignatio autem Ecclesiæ habeatur à Parocho, vel si hic, aut Ecclesia desit; commutet Confessarius in aliud opus: quod si neque hic adsit, non poterit acquiri Jubilæum; quia Pontifex explesè, non nisi Confessarius commutationem commitit.

7. De itinerantibus, & navigantibus sic disponit Pontifex: Navigantes vero & iter agentes cum primùm ad suum domum ita se receperint, superscriptis operibus peractis, & visitata Ecclesia Cathedrali, vel maiore, vel Parochiali loci eorum domiciliis; eandem Indulgientiam consequi possint.

Publicatio pro Religiosis.

8. Regulares omnino expectare debent publicationem Episcopis; quod enim aliqui dicunt, eos non tenere expectare, sed ipsorum Superioris posse Jubilæum publicare, Ecclesiæ siquaque designare, quia sunt exempli ab Episcopis, & eorum Ordinarius est Superior: non habet solidum fundamentum: quia Pontifex Ordinario loci ea commitit: at Superior Religiosus non est Ordinarius loci absolute dictus, licet sit Ordinarius sui Conventus: nomine enim Ordinarij loci in usu communis, quem servat Pontifex, quando loquitur cum populo; intelligitur Ordinarius sacerdotalium, non vero Religiorum.

9. Nam verò quæres hinc primò, si quis in initio promulgationis inveniatur in sua Patria v. g. hic Panormi; ubi Jubilæum publicatur; sed statim ob sua negotia hinc discedat; & si quis advena, seu peregrinus hinc etiam condem tempore existat, sed pariter discedere debeat: & denique si quis huc adveniat post incepitam hebdomadam, & cogatur statim discedere, quæres (inquam) quid hi facient, ut titè Jubilæum lucentur.

10. Respondeo; alterum ex duobus sequentibus remedij eligant; vel libere proficileantur ad sua negotia, & cum redierint, seu pervenerint in suas patrias, faciant opera injuncta, sicuti itinerantes, de quibus modo num. 7. dixi, ij enim sunt censendi itinerantes propter impendentem discessum; vel petant à Confessario commutationem eorum operum, quæ ante discessum exequi non possunt; his enim utpote impeditis, concedit Pontifex talem operum commutationem; & ex alia parte; quia statim, ac aliquis inventur in loco, ubi Jubilæum publicatur, acquirit jus ad illud omni meliori modo, quo potest, ibidem acquirendum, ideo poterunt hoc modo acquirere.

11. Immò propter idem jus, quod per dictam præsentiam acquiritur; ille qui caput aliqua facere, poterit cetera exequi in itinere, vel etiam extra locum Jubilæi. Solùm obstat potest visitatio Ecclesiæ, sed vel illam visiter

ante discessum ; vel si non potest , commutet Confessarius visitationem hanc.

Dixi (*non potest*) non autem dixi (*non vult*) quia rationabiliter impeditis commutare Confessarius potest ex concessione Pontificis , non verò alijs merè nolentibus.

12. Quæres secundò ; qui pervenit huc , Panormum v. gr. ubi sit Jubilæum , sed pervenit tamen tardè , ut solum in die ultimi sabbati hic inveniatur ; poteritne lucrari Jubilæum ?

Respondeo propter diétam rationem , quod statim acquirit jus lucrandi Jubilæum ; sanè poterit , commutatis à Confessario operibus , quæ facere in illa temporis angustia nequit ; is enim tunc legitimè dicitur impeditus : eundem posse se gerere , ut itinerantem & lucrari Jubilæum in patria , constat ex dictis .

13. Quæres tertio , si eadem hebdomada hic Panormi publicetur Jubilæum , & in eadem publicetur Montis regalis , possitne hic erogare eleemosynam , & deinde exequi cætera , sic & Jubilæum acquirere ?

Respondeo , sine Confessarij legitima commutatione non posse , quia solum acquititur jus ad Jubilæum , positis operibus in ea promulgatione requisitis , non verò positis operibus ex vi alterius publicationis ; ita de Lugo diff. de Pænitentian. 127.

14. Quæres quartò , possumne incipere opera Jubilæi v. g. eleemosynam , vel visitationem Ecclesiæ , antequam Jubilæum promulgetur v. g. mane , si publicatio fieret circa meridiem ?

Respondeo , non posse , quia non sunt legitimè , nisi sicut ex vi Jubilæi publicari , non verò publicandi . De Lugo ibidem .

15. Quæres quintò si hic Panormi v. g. lucratus sum Jubilæum seu (quod idem id) Indulgentiam (quæ certè est absolute plenaria) possumne alibi v. g. Messanæ , si me illuc conferam , quando ibi promulgatur Jubilæum , iterum lucrari , & à reservatis iterum absolviri , &c. ?

Respondeo , probabiliter posse sustinere Enriquez , Moronus , pluresque apud Dianam ; quia Jubilæum est privilegium locale pro personis , qui in tali loco quomodo cumque inveniuntur ; de Lugo loc. cit. num. 121. fateatur , hanc intentiam esse probabilem , sed ipse sequitur negativam , quam dicit esse probabilem .

16. Dices , si bis ego lucrari modo dicto Jubilæum possum Panormi , & Messanæ , multò magis possem illud lucrari Panormi , hoc est in prima hebdomada , & iterum repetendo eadem opera in hebdomada secunda ?

Respondeo , id tibi probabiliter concedo , ut tibi concedit Moronus loco cit. num. 305. & Pasqualigus de Jubilæo quest. 22. & quest. 238. & consequenter absolví iterum poteris à reservatione , & oblinere commutationem votorum .

...
...
...

CA-